



Terenga 3: Hōtaka 33 - He kupu whakahuihui

He Mihi

Tēnā koutou kua tatū mai anō ki te papa whakarauora reo o Ako. Nau mai me ō pūkenga, nau mai me ō pūmanawa. Huihuia mai ērā takoha e piki ngātahi ai tātou ki te tāpuhipuhi o te reo.

Hei Mahi Whakarongo

Ko te kaikōrero e whai ake nei tētehi o ngā poutokomanawa i tū ai Te Panekiretanga o Te Reo, hei kaupapa whakapakari i te hunga matatau ki te reo, e matatau ake ai rātou, e whānui ake ai te titiro, e hōhonu ake ai te māramatanga ki te reo me ngā tikanga. Anei rā ngā pātai hei whakautu mā koutou:

1. Mā wai e kawe te reo i roto i ngā tau?
2. He aha te rangatahi, hei tāna?
3. E aroha ana ia ki te hunga kaumātua?

Kia whakarongo ake tātou ki te kaiurungi o te waka o Te Panekiretanga, ki te toka tū moana o te reo Māori.

He Whakamārama

I mōhio rānei koutou, i ngā wā o mua, i whakamahia te kupu 'kurī' hei whānau mō ngā kararehe, e whā ngā waewae? I whakamahia hoki te kupu 'moa' hei whānau mō ngā manu katoa. E whai ake nei ētehi kupu e hāngai ana ki te ika, ki te manu, ki te ngārara, ki te tangata, ki te rākau, ki te whetū hoki.

ika	manu/ngārara	tangata	rākau	whetū
kauika pakake <i>school of whales</i>	kāhui manu <i>flock of birds</i>	kāhui tāngata <i>group of people</i>	uru rākau <i>grove of trees</i>	kāhui whetū <i>cluster of stars</i>
ranga ika <i>shoal of fish</i>	kāwai pārera <i>flock of ducks</i>	ranga hōia <i>company of soldiers</i>	pā harakeke <i>flax plantation</i>	tātai whetū <i>star constellation</i>
tumu kuku <i>bed of mussels</i>	pōkai manu <i>flock of birds</i>	tira haere <i>travelling group</i>	oro pūriri <i>clump of pūriri</i>	
rāngai maomao <i>a shoal of maomao</i>	rāpoi namunamu <i>swarm of insects</i>	ope whakaeke <i>visiting group</i>	motu rākau <i>clump of trees</i>	
	heke pī/kāhui pī <i>swarm of bees</i>	kapa haka <i>performing arts group</i>		

Hei Mahi

Whāia te rere o te kupu. He aha te kupu e whai ake ana?

1. Kaumātua > Pakeke > Taiohi > _____
2. Kāhu Kōrako > Kātua/Uwha > _____
3. Rūruhi > Wahine > Taitamāhine > _____
4. Rangapū > Tokorua > _____
5. Kātua > _____

He Whakautu:

1. pēpē/kōhungahunga.
2. kāhu pōkere o te whenua/pīpī.
3. kōtiro.
4. tangata/tangata takitahi.
5. kūao.